



---

Broj: 02/1-50-18-335/20

Sarajevo, 1. 1. 2020.

**IZVJEŠTAJ O RADU**  
**USTAVNOPRAVNE KOMISIJE DOMA NARODA**  
**PARLAMENTARNE SKUPŠTINE BOSNE I HERCEGOVINE**  
**ZA PERIOD OD 1. 1. 2018. DO 31. 12. 2018.**

**Sarajevo, januar 2020.**

**IZVJEŠTAJ O RADU**  
**USTAVNOPRAVNE KOMISIJE DOMA NARODA**  
**PARLAMENTARNE SKUPŠTINE BiH**  
**ZA PERIOD OD 1. 1. 2018. DO 31. 12. 2018.**

**S A D R Ž A J**

1. Opće naznake	3
2. Poglavlje I. Aktivnosti Ustavnopravne komisije	4
Odjeljak A. Statistički podaci o sjednicama	4
Odjeljak B. Zakonodavne i druge aktivnosti	5
i. Razmatranje prijedloga zakona po članu 99. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom BiH)	5
ii. Razmatranje prijedloga zakona po čl. 99. i 100. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom - faza I.)	6
iii. Razmatranje prijedloga zakona po čl. 108 - 113. Poslovnika Doma naroda Parlamentarne skupštine Bosne i Hercegovine (osnovni zakonodavni postupak - postupak u nadležnoj komisiji – faza II)	6
iv. Razmatranje pitanja ocjene ustavnosti	7
v. Razmatranje izvještaja i informacija	7
vi. Zaključci Ustavnopravne komisije	7
3. Poglavlje II. Aktivnosti Ureda sekretara Ustavnopravne komisije	8
4. Poglavlje III. Ostale aktivnosti	9
Odjeljak A. Aktivnosti u vezi sa ostalim aktima i odnosima s drugim institucijama	9
Odjeljak B. Međunarodna saradnja	9
5. Poglavlje IV. Zaključna razmatranja	9
PRILOG	11

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15,96/15 i 53/16), Ustavnopravna komisija Doma naroda Parlamentarne skupštine Bosne i Hercegovine (u daljnjem tekstu: Ustavnopravna komisija) podnosi

**I Z V J E Š T A J**  
**O RADU USTAVNOPRAVNE KOMISIJE DOMA NARODA**  
**PARLAMENTARNE SKUPŠTINE BOSNE I HERCEGOVINE**

**ZA PERIOD OD 1. 1. 2018. DO 31. 12. 2018.**

**OPĆE NAZNAKE**

Ustavnopravna komisija stalna je komisija Doma naroda Parlamentarne skupštine BiH. Njen rad, nadležnosti, uloga i položaj utvrđeni su članom 39. Poslovnika Doma naroda, kojim se ističe sljedeće:

„Član 39.

(Ustavnopravna komisija)

(1) Ustavnopravna komisija:

- a) prati provođenje Ustava BiH;
- b) razmatra pitanja značajna za ustavni poredak Bosne i Hercegovine i daje inicijativu za amandmane na Ustav BiH;
- c) ispituje i dostavlja Domu mišljenja o prijedlozima amandmana na Ustav BiH;
- d) provodi javnu raspravu o prijedlozima amandmana na Ustav BiH ili prijedlozima zakona, te obavještava Dom o rezultatima javne rasprave;
- e) razmatra prijedloge zakona koje Dom treba usvojiti, u vezi s njihovom usklađenošću sa Ustavom BiH i pravnim sistemom BiH, kao i u vezi s pravnom obradom, te Domu podnosi izvještaj s mišljenjem i prijedlozima i pravno-tehničkim ispravkama očiglednih grešaka u tekstu;
- f) razmatra pitanja zakonodavne metodologije i druga pitanja značajna za usklađenost pravno-tehničke obrade akata koje Dom treba usvojiti;
- g) dostavlja mišljenja Ustavnom sudu BiH;
- h) učestvuje u pripremi programa rada iz oblasti zakonodavne aktivnosti Doma;
- a) utvrđuje, zajedno s odgovarajućom komisijom Predstavničkog doma, kada ih i ako ih na to ovlaste oba doma, prijedlog službene verzije prečišćenog teksta zakona i drugih propisa koje usvajaju domovi Parlamentarne skupštine BiH;

(2) Komisija razmatra pitanja koja se odnose na: pravni sistem; izborni sistem; Vijeće ministara BiH; državne praznike; grb, zastavu i državnu himnu BiH; pečat BiH; državnu administraciju; provođenje međunarodnog i domaćeg krivičnog zakonodavstva; te druga

pitanja iz nadležnosti Doma koja nisu u nadležnosti drugih komisija.“

Ustavnopravna komisija Doma naroda Parlamentarne skupštine BiH konstituirana je na prvoj sjednici, održanoj 26. 2. 2015. (za mandatni period 2014 - 2018) kada su članovi Komisije jednoglasno izabrali:

- za predsjedavajućeg Ustavnopravne komisije Halida Genjca,
- za prvog zamjenika predsjedavajućeg Ustavnopravne komisije Barišu Čolaka,
- za drugog zamjenika predsjedavajućeg Ustavnopravne komisije Sredoja Novića.

Ostali članovi Komisije su:

- Dragutin Rodić,
- Safet Softić i
- Ljilja Zovko.

Sekretar Komisije je Zijad Hasić, a stručna savjetnica Sonja Abdulovski.

Svoj rad Ustavnopravna komisija Doma naroda Parlamentarne skupštine BiH zasnivala je na primjeni brojnih propisa iz međunarodnog i domaćeg prava, od kojih su najvažniji:

1. Aneks IV. Općeg okvirnog sporazuma za mir u Bosni i Hercegovini – Dejtonski sporazum (Ustav BiH);
2. međunarodni dokumenti, navedeni u Aneksu I. Ustava BiH, te dodatni sporazumi o ljudskim pravima koji će se primjenjivati u Bosni i Hercegovini i drugi međunarodni akti;
3. Poslovník Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15 i 53/16);
4. propisi Bosne i Hercegovine iz krivičnogprave, građanskoprave i upravne oblasti, propisi iz oblasti uređenja rada pravosudnih institucija, organa uprave, upravnih organizacija, te oblasti ravnopravnosti spolova, izbora, izvršenja krivičnih sankcija i sl.;
5. Jedinstvena pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17 i 70/17).

## **POGLAVLJE I. AKTIVNOSTI USTAVNOPRAVNE KOMISIJE**

### **Odjeljak A. Statistički podaci o sjednicama**

Ustavnopravna komisija, s ciljem obavljanja svojih aktivnosti, u izvještajnom periodu održala je deset sjednica, a razmatrala 48 tačaka dnevnog reda (u prosjeku pet tačaka dnevnog reda po sjednici). Održavajući ove sjednice, ona je aktivnost usmjerila na brojne oblasti iz svoje nadležnosti, zasnovane na Planu rada za 2018. godinu.

<b>Sjednica</b>	<b>Datum održavanja</b>	<b>Tačaka dnevnog reda</b>	<b>Trajanje sjednice u minutama</b>
44.	24. 1. 2018.	6	35 minuta
45.	19. 2. 2018.	8	40 minuta

46.	19. 3. 2018.	7	40 minuta
47.	17. 4. 2018.	4	25 minuta
48.	26. 4. 2018.	4	30 minuta
49.	15. 5. 2018.	4	30 minuta
50.	5. 6. 2018.	6	60 minuta
51.	25. 7. 2018.	5	30 minuta
52.	3. 9. 2018.	3	120 minuta
53.	11. 9. 2018.	1	60 minuta
<b>UKUPNO</b>	<b>Održanih sjednica: 10</b>	<b>Razmatranih tačaka dnevnog reda: 48</b>	<b>Prosječno trajanje sjednica: 47 minuta</b>

Osim zakonodavnih aktivnosti, Ustavnopravna komisija vršila je i kontrolnu funkciju. Potrebno je istaći razmatranje informacija, izvještaja i drugih akata, drugih državnih organa i tijela iz nadležnosti Ustavnopravne komisije, kao i aktivnosti koje je ona sama inicirala.

Najveći obim aktivnosti ostvaren je prilikom priprema i održavanja sjednica, te analizom i usvajanjem prijedloga zakona.

Prosječno trajanje sjednica Ustavnopravne komisije je **47 minuta**.

### **Odjeljak B. Zakonodavne i druge aktivnosti**

Ustavnopravna komisija je u 2018. godini razmatrala veliki broj prijedloga zakona, te za njih, nakon provedene procedure, izrađivala mišljenja i izvještaje, i to:

#### **a) Razmatranje prijedloga zakona po članu 99. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom BiH)**

1. Prijedlog zakona o Budžetu institucija Bosne i Hercegovine i međunarodnih obaveza Bosne i Hercegovine za 2018, dostavljen od Predstavničkog doma Parlamentarne skupštine BiH;
2. Prijedlog zakona o izmjenama Zakona o plaćama i naknadama u institucijama Bosne i Hercegovine, predlagač: Vijeće ministara BiH;
3. Prijedlog zakona o dopunama Zakona o komunikacijama, predlagač: Vijeće ministara BiH;
4. Prijedlog zakona o izmjeni Zakona o plaćama i naknadama u institucijama Bosne i Hercegovine, predlagač: Predstavnički dom Parlamentarne skupštine BiH;

5. Prijedlog zakona o izmjenama i dopunama Zakona o zrakoplovstvu Bosne i Hercegovine, predlagač: Predstavnički dom Parlamentarne skupštine BiH;
6. Prijedlog zakona o dopunama Zakona o komunikacijama, predlagač: Vijeće ministara BiH;
7. Prijedlog zakona o izmjenama i dopunama Zakona o službi u Oružanim snagama BiH, predlagač: Vijeće ministara BiH;
8. Prijedlog zakona o izmjeni Zakona o plaćama i naknadama u institucijama Bosne i Hercegovine, predlagač: Predstavnički dom Parlamentarne skupštine BiH;
9. Prijedlog zakona o Državnoj agenciji za istrage i zaštitu, predlagač: Vijeće ministara BiH;
10. Prijedlog zakona o osiguranju depozita u bankama Bosne i Hercegovine, P.Z.E.I., predlagač: Vijeće ministara BiH.

**b) Razmatranje prijedloga zakona po čl. 99. i 100. Poslovnika Doma naroda Parlamentarne skupštine Bosne i Hercegovine (usaglašenost prijedloga sa Ustavom BiH i pravnim sistemom BiH i principi - faza I. u nadležnoj komisiji)**

1. Prijedlog zakona o dopunama Krivičnog zakona Bosne i Hercegovine, predlagač: Predstavnički dom Parlamentarne skupštine BiH;
2. Prijedlog zakona o izmjenama i dopunama Zakona o zaštiti lica koja prijavljuju korupciju u institucijama Bosne i Hercegovine, predlagač: delegati Bariša Čolak, Halid Genjac i Darko Babalj;
3. Prijedlog zakona o izmjenama i dopunama Zakona o upravnim sporovima Bosne i Hercegovine, predlagač: Vijeće ministara BiH;
4. Prijedlog zakona o izmjenama i dopunama Zakona o radu u institucijama Bosne i Hercegovine, predlagač: Vijeće ministara BiH;
5. Prijedlog zakona o dopunama Zakona o prekršajima, predlagač: Vijeće ministara BiH;
6. Prijedlog zakona o izmjenama Zakona o krivičnom postupku Bosne i Hercegovine, predlagač: delegati iz Kluba delegata hrvatskog naroda: Ljilja Zovko, Bariša Čolak, Zdenka Džambas i Mario Karamatić;
7. Prijedlog zakona o izmjenama i dopuni Zakona o krivičnom postupku Bosne i Hercegovine, predlagač: delegat Halid Genjac;
8. Prijedlog zakona o izmjenama i dopunama Izbornog zakona Bosne i Hercegovine, predlagač: Predstavnički dom Parlamentarne skupštine BiH.

**c) Razmatranje prijedloga zakona po čl. 108 - 113. Poslovnika Doma naroda Parlamentarne skupštine Bosne i Hercegovine (osnovni zakonodavni postupak – postupak u nadležnoj komisiji – faza II)**

1. Prijedlog zakona o dopunama Krivičnog zakona Bosne i Hercegovine, predlagač: Predstavnički dom Parlamentarne skupštine BiH;

2. Prijedlog zakona o izmjenama i dopunama Zakona o zaštiti lica koja prijavljuju korupciju u institucijama Bosne i Hercegovine, predlagači delegati: Bariša Čolak, Halid Genjac i Darko Babalj;
3. Prijedlog zakona o izmjenama i dopunama Zakona o radu u institucijama Bosne i Hercegovine, predlagač: Vijeće ministara BiH;
4. Prijedlog zakona o izmjenama Zakona o krivičnom postupku Bosne i Hercegovine, predlagač: delegati iz Kluba delegata hrvatskog naroda: Ljilja Zovko, Bariša Čolak, Zdenka Džambas i Mario Karamatić;
5. Prijedlog zakona o izmjenama i dopuni Zakona o krivičnom postupku Bosne i Hercegovine, predlagač: delegat Halid Genjac.

**d) Razmatranje pitanja ocjene ustavnosti (član 39. stav (1) tačka g) Poslovnika Doma naroda Parlamentarne skupštine Bosne i Hercegovine - dostavljanje mišljenja Ustavnom sudu BiH). Ova aktivnost ocjene ustavnosti pred Ustavnim sudom BiH odnosi se na zahtjeve u skladu s članom 39. stav (1) tačka g)**

1. Zahtjev Ustavnog suda BiH za izjašnjenje o Zahtjevu poslanika Predstavničkog doma Parlamentarne skupštine Bosne i Hercegovine za ocjenu ustavnosti: Zakona o izmjenama i dopunama Zakona o akcizama u Bosni i Hercegovini („Službeni glasnik BiH“, broj 91/17), Zakona o izmjenama i dopuni Zakona o uplatama na Jedinstveni račun i raspodjeli prihoda („Službeni glasnik BiH“, broj 91/17) i Zakona o izmjeni Zakona o sistemu indirektnog oporezivanja u Bosni i Hercegovini („Službeni glasnik BiH“, broj 91/17) sa Ustavom BiH, broj: U-5/18

**e) Razmatranje izvještaja i informacija:**

Ova aktivnost ostvaruje se u skladu s članom 39. stav (2) Poslovnika Doma naroda Parlamentarne skupštine Bosne i Hercegovine. Ustavnopravna komisija donijela je mišljenja o sljedećim izvještajima i informacijama:

1. Izvještaj o radu Ustavnopravne komisije Doma naroda Parlamentarne skupštine Bosne i Hercegovine za period od 1. 1. 2017. do 31. 12. 2017;
2. Informacija o realizaciji zaključaka donesenih na 34. sjednici Ustavnopravne komisije, od 25. 4. 2017, u vezi s aktom predsjedavajućeg Predstavničkog doma Parlamentarne skupštine BiH, broj: 01-50-1-15-4-44/17 od 20. 4. 2017, o zaključcima usvojenim na sjednici Predstavničkog doma, a u vezi sa Izvještajem o primjeni Jedinstvenih pravila za izradu pravnih propisa u institucijama Bosne i Hercegovine;
3. Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine Bosne i Hercegovine, predlagač akta: Komisija za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine Bosne i Hercegovine;
4. Izvještaj o radu Pravobranilaštva BiH za period 1. 1 – 31. 12. 2017, broj akta: 01,02-10-905/18 od 6. 4. 2018;

5. Izvještaj o provođenju zakona iz nadležnosti Centralne izborne komisije BiH u 2017. godini, podnosilac: Centralna izborna komisija BiH, broj: 01,02-50-19-1190/18 od 15. 5. 2018.

#### **f) Zaključci Ustavnopravne komisije**

U izvještajnom periodu Komisija je donijela tri zaključka kojima je željela unaprijediti zakonodavni postupak ili ubrzati rješavanje pojedinih pitanja.

Zaključci se odnose na: rad izvršne vlasti, uključujući i Vijeće ministara BiH; izradu prečišćenih tekstova zakona; primjenu Jedinstvenih pravila za izradu pravnih propisa u institucijama Bosne i Hercegovine.

Na kraju izvještajnog perioda realizirana su dva zaključka, a realizacija jednog preostalog je u toku.

## **POGLAVLJE II.**

### **AKTIVNOSTI UREDA SEKRETARA USTAVNOPRAVNE KOMISIJE**

U Uredu sekretara Ustavnopravne komisije (u daljnjem tekstu: Ured sekretara) normirana su radna mjesta, i to: sekretar Ustavnopravne komisije - rukovodeći državni službenik, stručni savjetnik i stručni saradnik. Trenutno su popunjena dva radna mjesta, i to sekretar Ustavnopravne komisije i stručni savjetnik. Sekretar Komisije, u saradnji s predsjedavajućim Komisije, brine o redovnom i blagovremenom razmatranju svih pitanja iz nadležnosti Komisije, kao i svih pitanja koja Kolegij Doma uputi Komisiji. Sekretar Komisije brine o blagovremenom organiziranju sjednica Komisije, javnih rasprava i javnih saslušanja u okviru nadležnosti Komisije, odnosno sjednica zajedničkih komisija za usaglašavanje zakona koje su usvojili domovi u različitim tekstovima.

Također, Sekretar Komisije brine o blagovremenom razmatranju prijedloga zakona i drugih akata iz nadležnosti Komisije, u skladu s Poslovníkom Doma naroda, izradi nacrtá mišljenja i izvještaja o materijalima koje razmatra Komisija, te pruža stručnu pomoć članovima Komisije prilikom izrade prijedloga zakona, amandmana i drugih akata iz nadležnosti Komisije. Osigurava sve potrebne informacije i u vezi s materijalima iz nadležnosti Komisije, te vodi evidenciju o zaključcima i odlukama Komisije, kao i o zaključcima i odlukama Doma iz nadležnosti Komisije i prati njihovu realizaciju i o tome informira Komisiju.

Rukovođen Radnim planom za 2018. Ured sekretara pripremao je i analizirao sve zakone koji su bili u proceduri i druge akte koji nisu zakonodavnog karaktera. Tekstovi pojedinih prijedloga zakona nisu bili usklađeni s Jedinstvenim pravilima za izradu pravnih propisa u institucijama BiH, a neki nisu sadržavali ni sve elemente koje prijedlog zakona mora sadržavati, u skladu s odredbama Poslovníka Doma, što je povećalo potrebu za normativno-tehničkim korekcijama prijedloga zakona. Ured sekretara je, također, za potrebe članova Komisije pisao amandmane na pojedine prijedloge zakona.

Ured sekretara je, u saradnji s Uredom sekretara Ustavnopravne komisije Predstavničkog doma i Zakonodavno-pravnim sektorom, pripremio i dostavio u proceduru Prijedlog izmjena i dopuna Jedinstvenih pravila za izradu pravnih propisa u institucijama BiH, a u skladu sa zaključkom Predstavničkog doma. Prijedlog izmjena i dopuna Jedinstvenih pravila za izradu



pravnih propisa u institucijama BiH i dalje je u parlamentarnoj proceduri, u Predstavničkom domu.

Ured je, također, uspostavljao saradnju s drugim institucijama, i domaćim i međunarodnim, čije se djelovanje tiče djelovanja Ustavnopravne komisije. Tu su, u prvom redu, saradnja s Vijećem ministara Bosne i Hercegovine, tj. ministarstvima, agencijama, direkcijama, Generalnim sekretarijatom Vijeća ministara Bosne i Hercegovine, Predsjedništvom Bosne i Hercegovine, VSTV-om Bosne i Hercegovine, Ustavnim sudom Bosne i Hercegovine i drugim pravosudnim institucijama. Predstavnici tih institucija su blagovremeno i potpuno obavještavani o radu Ustavnopravne komisije. Na upućene pozive oni su se, uglavnom, redovno odazivali i učestvovali u radu o tačkama koje se odnose na njihov rad.

U izvještajnom periodu Ured sekretara imao je nekoliko radnih sastanaka s predstavnicima Misije OSCE-a u BiH, kao i s predstavnicima USAID-a, koji su bili posvećeni podršci u radu Ustavnopravne komisije, zbog dogovora o daljnjoj saradnji.

### **Poglavlje III. OSTALE AKTIVNOSTI**

#### **Odjeljak A. Aktivnosti u vezi sa ostalim aktima i odnosima s drugim institucijama**

U izvještajnom periodu Ustavnopravna komisija je razmatrala i druge akte koji nisu zakonodavnog karaktera te uspostavljala saradnju s drugim institucijama, čije se djelovanje podudara s njenim djelovanjem, uključujući i saradnju s međunarodnim organizacijama, nevladinim organizacijama i pojedincima. Kontinuirana saradnja nastavljena je s Vijećem ministara BiH, naročito s Ministarstvom pravde BiH. Ministri resornih ministarstava, odnosno sekretari ili pomoćnici ministara redovno su prisustvovali sjednicama Ustavnopravne komisije.

U izvještajnom periodu ostvarena je dobra saradnja s poslanicima u Predstavničkom domu i delegatima u Domu naroda, sekretarima domova, sekretarom Zajedničke službe, sekretarima drugih komisija, rukovodiocima sektora i zvaničnicima izvršne i sudske vlasti. Redovno je praćen rad pojedinih komisija i drugih tijela u vezi sa zajedničkim pitanjima, te ostvaren princip međusobne saradnje, ali i zaštite digniteta Doma naroda Parlamentarne skupštine BiH, kako je uređeno Poslovníkom Doma naroda.

#### **Odjeljak B. Međunarodna saradnja**

U realizaciji međunarodne saradnje, kao i poslova edukacije na praktičnim pitanjima, s kojima se susreće Ustavnopravna komisija, posebnu pomoć pruža Misija OSCE-a u Bosni i Hercegovini, s kojom je Ured sekretara Komisije u izvještajnom periodu održao i nekoliko radnih sastanaka.

### **Poglavlje IV. ZAKLJUČNA RAZMATRANJA**

Rad Ustavnopravne komisije u izvještajnom periodu u velikoj mjeri zavisio je od materijala koje je dostavilo Vijeće ministara Bosne i Hercegovine. Može se konstatirati da je Ustavnopravna komisija blagovremeno razmatrala sve akte iz svoje nadležnosti.

Kako bi aktivnosti Ustavnopravne komisije bile još bolje, a rezultati se mogli kvalitetnije primijeniti, neophodno je sljedeće:

- a) Ustavnopravna komisija uspješno i u potpunosti je realizirala zadatke utvrđene Planom rada za 2018. godinu i ubuduće će se, još predanije, baviti pitanjima iz svoje nadležnosti, s ciljem kvalitetnijeg rada i većeg doprinosa zakonodavnom procesu u Bosni i Hercegovini, te je stoga neophodno što prije planirati njen rad;
- b) Ustavnopravna komisija učinila je dodatne korake u saradnji s drugim komisijama Parlamentarne skupštine BiH, Vijećem ministara BiH, vladinim i nevladinim organizacijama, međunarodnim organizacijama i parlamentima, koji su je ohrabрили u obavljanju kvalitetnog i brzog zakonodavnog procesa i efikasnog nadzora izvršne vlasti, kao preduslova za daljnje evropske integracije, te je potrebno kadrovski popuniti;
- c) Imajući u vidu veliki broj nadležnosti Ureda sekretara Komisije, bitnim se smatraju kontinuirane obuke sekretara i stručne savjetnice, jer je to garancija njenog uspješnog rada.

Sastavni dio Izvještaja je Prilog broj 1. Tabelarni i brojeani prikaz sjednica, tačaka dnevnog reda i broj razmatranih akata.

PREDSJEDAVAJUĆI  
USTAVNOPRAVNE KOMISIJE  
Bariša Čolak

**Prilog broj 1. Tabelarni i brojčani prikaz održanih sjednica, tačaka dnevnog reda i broj razmatranih akata pred Ustavnom pravnom komisijom**

**Ustavna pravna komisija**

Period od 1. 1. 2018. do 31. 12. 2018.

Tabela održanih sjednica i broj tačaka dnevnog reda:

<b>Broj održanih sjednica</b>	10
<b>Broj tačaka dnevnog reda</b>	48

Tabela razmatranih akata pred Ustavnom pravnom komisijom:

<b>Prijedlozi zakona</b>	<b>Zahtjevi za ocjenu ustavnosti</b>	<b>Izvještaji o radu institucija BiH</b>
10	1	5